



ელის პიზი: „ძალიან გაშიშვალა, რომ საქართველოში მოხვდი“

1976 წლის 4 ივლისს, ფილადელფიაში მეორე კონსტიტუციური კონგრესის მიერ მიღებული იქნა ისტორიული დოკუმენტი, ამერიკის შეერთებული შტატების დამოუკიდებლობის დეკლარაცია. ეს დღე ამერიკის შეერთებული შტატების ეროვნულ დღესასწაულად გამოცხადდა.



ოზურგეთის ახალგაზრდა პედაგოგთა კავშირში შევხდით PEACE CORPS-ის ყოფილ მოხალისეს, აივაზის უნივერსიტეტის პროფესორს **ელის პიზის**, რომელმაც ამ დღის მნიშვნელობაზე და სხვა საინტერესო თემებზე გვესაუბრა:

— კოლორადოს შტატიდან ვარ. ჩემი მშობლები იქ 65 წლის განმავლობაში ცხოვრობდა. შემდეგ ჩემი საშუალოდან გამოძღინარე საცხოვრისის შეცვლა მომიწია. აივაზის უნივერსიტეტში პოლიტიკურ მეცნიერებათა ლექტორი ვარ.

— როგორ აღმოჩნდით საქართველოში?

— ძალიან მინდოდა მოხალისედ მემუშავა უცხოეთში. 2005 მივმართე PEACE CORPS-ს. მაშინ მოხალისეობის მსურველმა ახლანდელთან განსხვავებით არ იცოდა, რომ მსოფლიოს რომელ ქვეყანაში მოხვდებოდა. ძალიან გამიძარტლა, საქართველოში მოხვდი, თქვენს ქალაქში საუკეთესო არასამთავრობო ორგანიზაციაში — ახალგაზრ-

▶▶▶ 88-2



ქართული ოცნების

გურია

უძველესი გაზეთი უახლესი ინფორმაციებით!

საზოგადოებრივ-პოლიტიკური გაზეთი. ყოველკვირეული გამოცემა. № 18 (10430) 4 ივლისი 2022 წ. ფასი 80 თეთრი.

„ქართული ოცნების“ ძალთა ორბანიზაციამ ოზურგეთში, გურიის რეგიონული კონფერენცია გაატარა.



„ქართული ოცნების“ ძალთა ორბანიზაციამ ოზურგეთში, გურიის რეგიონული კონფერენცია გაატარა. ქალთა ორბანიზაციის გამგეობის თავმჯდომარე **ნინო წილოსანმა** კონფერენციის მონაწილეებს ორბანიზაციის მიზნები და ამოცანები გააცნო და გურიის რეგიონული საბჭოს ხელმძღვანელი **ნათია გოლიაძე** (აირჩიეს თბილისში) და შემადგენლობა წარუდგინა, მათ შორის, ოზურგეთიდან: მარი ჩხიკვიშვილი, ლალი

სიჭინავა, ქეთი ვასაძე, ქრისტინა არლიანი; ლანჩხუთიდან: ლოლიტა ურუშაძე, ეკა გუჯაბიძე, ვერიკო კვიციანი; ჩოხატაურიდან: მანანა მინდაძე, ქეთევან სიხარულიძე, თეამაძე. გაკეთდა თემატური მოხსენებები. კონფერენციაში მონაწილეობდნენ ქალთა ორბანიზაციის გამგეობის წევრები მათ ბიბლია, ეკა სეფაშვილი, ნინო ვარდოსანიძე, თინათინ ნიბლოშვილი, ხატია წილოსანი, რიმა ბერაძე.

დაპირისპირება ერთიანი ნაციონალური მოძრაობისა და „ქართული ოცნების“ აქტივისტებს შორის



ქ. ოზურგეთში, საკათედრო ტაძრის ეზოში, საქართველოს ტერიტორიული ერთიანობის დაცვით დასაწყისი მემორიალის წინ ერთიანი ნაციონალური მოძრაობა საინფორმაციო შეხვედრას ატარებდა. ამის შესახებ რეგიონული მედიის უმეტესობა არ იყო ინფორმირებული და აქციის ადგილას კონფლიქტის დაწყების შემდეგ მივედით. იყო სიტყვიერი დაპირისპირება და გაწვევ-გამოწვევა ენმ წევრებსა და „ქართული ოცნების“ მარდამჭერებს შორის.

არსებული ინფორმაციით, თავდაპირველად ენმ-ის აქტივისტებმა სიტყვიერი შეურაცხყოფა მიიყენეს ქ. ოზურგეთში, ჭავჭავაძის ქუჩაზე მდებარე პარტია „ქართული ოცნება-დემოკრატიული საქართველოს“ ოფისის წინ მყოფ ადგილობრივი თვითმმართველობის საკრებულოს წევრებს და პარტიის სხვა აქტივისტებს.

დაპირისპირების დაწყების შემდეგ ტაძრის ეზოში ოზურგეთის მუნიციპალიტეტის საკრებულოს დეპუტატებიც მოვიდნენ და სიტყვიერი დაპირისპირება და გაწვევ-გამოწვევა საკრებულოს ორი ფრაქციის დეპუტატებს შორის მოხდა, თუმცა შემდეგ საქართველოს პარლამენტის წევრებმა „ერთიანი ნაციონალური მოძრაობიდან, ხატია დეკანოიძემ (პარტიის პოლიტსაბჭოს წევრი) და ლევან ხაბეიშვილმა მოქალაქეებთან შეხვედრა გააგრძელეს.

ხატია დეკანოიძემ მომხდართან დაკავშირებით კომენტარი გაზეთ „ალიონთან“ გააკეთა: — ჩვენ დავდივართ რეგიონებში იმისთვის, რომ ჩვენს მოქალაქეებს ვეროკა-



ვში გაწვევრიანების მნიშვნელობის შესახებ ვესაუბროთ. თუ რა მნიშვნელობა აქვს ამას მათი კეთილდღეობისთვის, სამართლიანობისთვის, კანონის უზენაესობისთვის.

ანალოგიური ინციდენტი მოხდა ქ. ქუთაისშიც. იქაც ქალაქის საკრებულოს „ქართული ოცნების“ წევრები მოიყვანეს, ჩვენი შეხვედრის ჩასაშლელად. ისინი შემდეგ წავიდნენ. პოლიცია, როგორც ყოველთვის, გვიან მოვიდა.

აქაც მოვიდა ხალხი და ჩვენი მათთან ვაგრძელებთ შეხვედრას. მინდა ვითხროთ, რომ ყველაფერი ამის შემთხვევაში მოხდა და ვვინდა ამ ადამიანების შვილებსთვის ვეროკა იყოს საერთო სახლი.

გაზეთ „ალიონთან“ ოზურგეთის საკრებულოს ფრაქცია „ქართული ოცნება-დემოკრატიული საქართველოს“ თავმჯდომარე მარი ჩხიკვიშვილმა გააკეთა: — ნაციონალური მოძრაობა ტრადიციულად დესტრუქციული ხასიათდება. მაშინ როცა იძახიან, რომ 3 ივლისის აქციას ზეპარტიულია და არ იმართება პოლიტიკური პარტიების მიერ, ნაციონალური მოძრაობა აქტიურად დადის მუნიციპალიტეტებში და ჩართულნი არიან ორბანიზაციულ საქმიანობებში. ოზურგეთში მათ დიდი ხანია არჩევნების გზით უთხრა უარი, კარგად დაინახეს მათი რეალური სახე. ნაცები ტრადიციულად თავიანთი დესტრუქციული მეთოდებით ცდილობენ პროცესების პოლარიზებას. ისინი არიან ომის პარტიის წარმომადგენლები.

გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ.სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთეთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 25 ლარი;
- სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
- გახსენება, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;
- საჯალო ფასი: 60 თეთრი, ხელმოწერა: ერთი თვით - 2,40 ლარი, სამი თვით - 7,20 ლარი, 6 თვით -14,40 ლარი, ერთი წლით - 29,60 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიონანსწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისაგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

სარეკლამო კომპანია
რედაქტორი
ნუგზარ ასათიანი
 nugzarasatiani15@gmail.com
 558 499100
 კომპიუტერული უზრუნველყოფა
გიორგი გოგოლაძე
 gia_77@mail.ru
 551 576060
 რედაქციის მისამართი: ქ. ოზურგეთი, გაბრიელ ეპისკოპოსის ქ. №3
 ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311
 გაზეთი იბეჭდება გამოცემლობა „მერიდიანში“
 მის: თბილისი, ვ. ბაგრატიონის ქ. №77

დაიწყეთ ყოველი მიზნობრივი აქცია „ალიონით“

ახალგაზრდა პედაგოგთა კავშირის ორგანიზებით „იდეათონი“ გაიმართა



ოზურგეთის ტექნოპარკში, ახალგაზრდა პედაგოგთა კავშირის ორგანიზებით „იდეათონი“ გაიმართა. ლიდერთა სკოლისა და ორგანიზაციის პარტნიორი სკოლების „იდეებისა და მეწარმეობის ლაბორატორიის“ წევრებმა Canvas ბიზნეს მოდელის საფუძველზე იმუშავეს საწარმოების მოდელირებაზე, ჩამოაყალიბეს 14 ბიზნეს იდეა და პროექტის დასკვნით ნაწილში, თავიანთი პრეზენტაციები წარუდგინეს პოტენციურ ინვესტორებს.

ლონისძიებმა გურიაში სახელმწიფო რწმუნებულის მოადგილე ქეთევან მოისწრაფეშვილი, ოზურგეთის მუნიციპალიტეტის მერი ავთანდილ თალაკვაძე, მაჟორიტარი დეპუტატის ბიუროების ხელმძღვანელები, ბიზნესის და არასამთავრობო ორგანიზაციების წარმომადგენლები დაესწრნენ.

„იდეათონის“ მონაწილეები სხვადასხვა სახის სიმბოლური პრიზებით დაჯილდოვდნენ.

საგარეო საქმეთა სამინისტროს საინფორმაციო ცენტრის უმხვედრა ჩოხატაურში



საგარეო საქმეთა სამინისტროს ნატოსა და ევროკავშირის შესახებ საინფორმაციო ცენტრის ორგანიზებით ჩოხატაურის მუნიციპალიტეტის საკრებულოსა და მერიის საჯარო მოხელეებთან შეხვედრა გაიმართა. შეხვედრის მოდერატორი იყო საინფორმაციო ცენტრის გურიის რეგიონული ბიუროს წარმომადგენელი ირაკლი პაპაია. მოწვეულმა ექსპერტმა, ჰიბრიდული ომების მკვლევარმა დავით მიძიშვილმა ისაუბრა საინფორმაციო ომის თავისებურებებზე, ევროატლანტიკური ინტეგრაციის პროცესის თანმდევ დეზინფორმაციასა და ანტი-

დასავლურ პროპაგანდასთან ბრძოლის საკითხებზე. ყურადღება გამახვილდა დასავლური ღირებულებების მნიშვნელობასა და მედიაფიციერების უნარების გაძლიერებაზე.

შეხვედრა ამერიკის შეერთებული შტატების სახელმწიფო დეპარტამენტის მიერ დაფინანსებული პროექტის „დასავლური ინტეგრაციის შესახებ ინფორმირებულობისა და ჩართულობის გაზრდა საქართველოს რეგიონებში“ ფარგლებში გაიმართა, რომელსაც საინფორმაციო ცენტრი ნატოსა და ევროკავშირის შესახებ საქართველოში აშშ-ის საელჩოსთან ერთად ახორციელებს.

სოფელ კაპროვანში გზის რეაბილიტაცია მიმდინარეობს



„სამუშაოები, რომელსაც რეგიონული განვითარებისა და ინფრასტრუქტურის სამინისტროსთან ერთად ვახორციელებთ - დღეს დავათვალიერეთ. პროექტის ბიუჯეტი 984 110 ლარს შეადგენს. გარდა გზის რეაბილიტაციისა, აქ მოწესრიგდა წყლისა და კანალიზაციის სისტემა. ასევე, დამონტაჟდა გარე განათება,“ - აღნიშნა, ოზურგეთის მერმა, ავთანდილ თალაკვაძემ

ელის ჰიზი: „კალიან გაიმართლა, რომ საქართველოში მოხდეს“

და პედაგოგთა კავშირში, სადაც მე 2007 წლამდე ვიმუშავე. ემონაწილეობდი პროექტებში, შეხვედრებში. ძალიან მომწონს აქაურობა და მეორედ ვესტუმრე ჩემს ძველ მეგობრებს.

—როგორია თქვენი ცხოვრების წესი, ურთიერთობები, სამოქალაქო აქტივობები...
 —როცა კოლორადოში ვცხოვრობდი, ყველა მეზობელს ვიცნობდი და ვურთიერთობდი. ერთად აღვნიშნავდით დღესასწაულებს. ამას ისიც განაპირობებდა, რომ ჩემი მშობლები იქ დიდი ხნის განმავლობაში ცხოვრობდნენ. ამჟამად უნივერსიტეტის საცხოვრებელში ვცხოვრობ. უნივერსიტეტში ძალიან დაკავებული ვარ. ბინაში მისულს კი სამეზობლო ურთიერთობისთვის ნაკლები დრო მრჩება. თუმცა ისე არ წარმოიდგინოთ, არ ვურთიერთობ. როგორც თქვენთან, იქაც არის ამხანაგობები, რომლებიც ზრუნავენ, რომ საცხოვრებელ კორპუსში იყოს ბევრი აქტივობები. მაგალითად, ქალაქის ისტორიის დღე, შობა, ახალი წელი და

ა.შ. მაგალითად, ახალი წლის წინა დღეებში ბინის სადარბაზოებში ფერად განათებებს აწყობენ და სასაამონო გარემოში ვიწვევს ვაგლა...
 —რადგან დღესასწაულებზე ვსაუბრობთ, როგორ აღნიშნავთ თქვენს ეროვნულ დღესასწაულს—დამოუკიდებლობის დღეს?
 —ეს დღე დასვენების დღეა ქვეყანაში და სხვა დღესასწაულების მსგავსად აღვნიშნავთ. ოჯახებით ერთად ვიკრიბებით...
 —როგორ ასწავლით უნივერსიტეტში სტუდენტებს მედიის მიმართ დამოკიდებულებას?
 —უნივერსიტეტში ჩვენ სტუდენტებს ვუხსნით, როგორ განასხვავონ კარგი მედიასაშუალებები ცუდისაგან. ტარდება გარკვეული კვლევებიც. ადამიანთა ნაწილი ენდობა ან არ ენდობა კონკრეტულ მედიასაშუალებებს. მთავარია სტუდენტებს სწორად შეაფასონ შემდეგ ასეთი კვლევების შედეგები...
 ესაუბრა ნუგზარ ასათიანი

თბილისში სასამართლო წყლის დანადგარის MUF-500 პრეზენტაცია გაიმართა



თბილისში მოეწყო ისრაელის მაღალტექნოლოგიური სასამართლო წყლის დანადგარი NUF 500-ის პრეზენტაცია. მოხდა დაბინძურებული წყლის გაფილტვრის დემონსტრაცია. ისრაელის, სლოვაკეთის, იაპონიის საელჩოების, „მაშავ საქართველოს“ და გაეროს ბავშვთა ფონდის „Unicef“ მხარდაჭერით საქართველოს სხვადასხვა რეგიონებში „საქართველო შალომ კლუბი“ უკვე 2 წელია ახორციელებს პროექტს „სუფთა წყალი ბავშვებს“.

სკოლებში და საბავშვო ბაღებში მონტაჟდება ისრაელის კომპანია NUF FILTRATION მაღალტექნოლოგიური სასამართლო წყლის გასაფილტრი დანადგარები.

დანადგარები მონტაჟდება იმ ობიექტებში, სადაც მოწოდებული ლაბორატორიული დასკვნების საფუძველზე სასამართლო წყალი დაბინ-

რებულია. ამჟამად გურიის რეგიონში მონტაჟდება 74 ძვირადღირებული დანადგარი. გასულ ხუთშაბათს მიღებული იქნა ისრაელიდან 18 ერთეული დანადგარი, რომელიც ოზურგეთის მუნიციპალიტეტში დამონტაჟდება. მანამდე 20 ერთეული დანადგარი დამონტაჟდა ჩოხატაურის და ლანჩხუთის მუნიციპალიტეტის საბავშვო ბაღებში. მიმდინარეობს მუშაობა აჭარის რეგიონში პრობლემის მოსაგვარებლად. პრეზენტაციას ესრებოდნენ ისრაელის ელჩი საქართველოში ბატონი რან ვიდორი მაშავის ცენტრის დირექტორი ბატონი გიორგი ჟღენტი და სხვადასხვა უწყებების წარმომადგენლები, „შალომ კლუბების“ ხელმძღვანელები.



რა ხდება საავთომო ქსელები და რამდენად გამართლებულია ელექტრონულ რეცეპტებზე გადასვლა



მედიკამენტების გარკვეულ დასახელებებზე, რომლებიც მხოლოდ ელექტრონული რეცეპტების საშუალებით უნდა გაიცეს, არაერთგვაროვანი რეაქცია გამოიწვია მოსახლეობას შორის, რადგან ამ დასახელებში შედის წნევის მარეგულირებელი მედიკამენტებიც კი. ისინი ამბობენ, რომ რიგ სოფლებში, სადაც ექიმი კვირაში რამდენიმე დღეს მოდის (სხვა სამსახურშიც არიან), ძნელია „ანაპრილინის“ ელექტრონული რეცეპტის, ან თუნდაც ფორმა №3-ის გამო 2-3 დღე დაელოდო, მით უმეტეს ზოგიერთ უბანში არც გამართული კომ-პიუტერი აქვთ და ინტერნეტის წვდომაც არაა. ბოლო მონაცემებით ჯანდაცვის სამინისტროსა და წამლების რეგულირების ეროვნული სააგენტოს მიერ შემოწმებული 900 აფთიაქიდან, მხოლოდ 60-ს აღმოაჩნდა ელექტრონული რეცეპტი, 500 ლარით 600 აფთიაქი დაჯარიმდა, აქედან ნაწილი განმეორებით...

—აფთიაქში უცნობი მამაკაცი შემოვიდა. გვითხრა ცუდად ვარ და წნევა მაქვს და ხომ არ გაქვთ წნევის წამალი „ანაპრილინი“, მივეცი. ცოტა ხანში იგი ჯანდაცვის სამინისტროსა და წამლების რეგულირების სააგენტოს წარმომადგენლებთან ერთად შემოვიდა და ურეცეპტოდ წამლის გაცემისათვის შესაბამისი ოქმი შემოგვინგ. ისინი შემეკითხნენ: —მიმიწვიდებოდა თუ არა ხელი ელექტრონულ რეცეპტზე. მე მათ ვუთხარი, რომ მიუხედავად იმისა, რომ შესაბამისი პროგრამა მაქვს ჩატვირთული კომპიუტერში, არ მიმიწვი-

ბა ხელი— თქო.სასამართლო პროცესზე მოსამართლემ თანაგრძობით მკითხა: —ასეთ პირობებში მიღირდა თუ არა აფთიაქში მუშაობა. სასამართლომ ამ ეტაპზე გაფრთხილება მოგვცა — გვითხრა აფთიაქი „სალბის“შეპატრონემ ნანი მჭავიაძე.

— ჩემთანაც უცნობი მამაკაცი შემოვიდა და „სუპრასტინის“ ამპულა ითხოვა. მითხრა: —ალერგიული ვარ, ფუტკარმა მიკბინა და შეიძლება ცუდად გავხდეთ. მდგომარეობის გათვალისწინებით რეცეპტის გარეშე მივეცი. ცოტა ხანში აფთიაქში წამლების რეგულირების სააგენტოსა და

ჯანდაცვის სამინისტროს წარმომადგენლებთან ერთად შემოვიდა ის მოქალაქე და შესაბამისი ოქმიც შეგვიდგინეს. ოზურგეთის სასამართლომ 500 ლარით დაგვაჯარიმა —გვითხრა აფთიაქი „იბერი ფარმას“ მენეჯერმა მაგდა ქილიფთარმა.

როგორც ჩვენთვის ცნობილი გახდა მსგავსი შემთხვევა აფთიაქ . . . დაფიქსირდა.სასამართლომ აქ გაფრთხილება იკმარა.

მაგდა ქილიფთარის თქმით, წელს, 22 თებერვალს გამოიცა ბრძანება „მეორე ჯგუფს მიკუთვნებული ფარმაცეპტული პროდუქტის (სამკურნალო საშუალებების) ფორმა №3 ელექტრონული რეცეპტის ბრუნვის წესის დამტკიცების თაობაზე საქართველოს შრომის, ჯანმრთელობისა და სოციალური დაცვის მინისტრის 2016 წლის 26 ივლისის №01-29/6 ბრძანებაში ცვლილებების შეტანის თაობაზე“.

ამ ბრძანებით მეორე ჯგუფს მიკუთვნებული ფარმაცეპტული პროდუქტების (სამკურნალო საშუალებების) ფორმა №3 რეცეპტი გამოიწერება ელექტრონულად. აღნიშნული ბრძანება ძალაში პირველი მარტიდან შევიდა.

რამდენიმე ადგილობრივი აფთიაქის მესპატრონემ განაცხადა, რომ მათ არ მიუწვდებოდა ხელი ელექტრონულ რეცეპტებზე, რადგან სამედიცინო დაწესებულებები მათ პაციენტებს „ავერსში“, PSP და „ფარმადეპოს“ ქსელურ აფთიაქებში ამისამართებენ.

შეკითხვაზე, რა სახის მედიკამენტები შეუძლიათ ელექტრონული რეცეპტის გარეშე გასცენ, გვიპასუხეს, რომ გარკვეული დასახელების წამლები (გრიპის საწინააღმდეგო, ტკივილგამაფხვრელები და ა.შ) გაიცემა ელექტრონული რეცეპტის გარეშე.

არსებული ინფორმაციით, მედიკამენტების ელექტრონულად გამოწერაზე პრობლემები აქვთ სტომატოლოგიურ კაბინეტებს, რომელთა უმეტესობას კომპიუტერული ტექნიკა არ აქვთ.

ამ შეზღუდვის გამო, საყვედურობენ მოქალაქეებს.

—ვიცი, ექიმმა უნდა დაგვინიშნოს მედიკამენტები და ასეც ვიტყვი. ხანდახან ვერ შევიძინე ერთი თვის მარაგი. სოფლის ექიმი კვირაში 2-ჯერ თუ დადის. ვიცი რა მჭირდება. აფთიაქში უბრალო წნევის წამალიც არ მომცეს — შემოგვჩვილა ერთ-ერთმა ქალბატონმა.

გაზეთი „ალიონი“ აღნიშნულ თემაზე ოზურგეთის „მედალფას“ კლინიკის ამბულატორიული სამსახურის ხელმძღვანელს მანანა კობლატაძეს ესაუბრა:

—ცვლილება მე-2 ჯგუფის ფარმაცეპტულ პროდუქტზე ძალაშია 2022 წ. 1 მარტიდან. სამედიცინო მომსახურების მიმწოდებელი პირი /დამოუკიდებელი საექიმო საქმიანობის უფლების მქონე პირი (გარდა სოფლის ექიმისა) ვალდებულია პაციენტისათვის დანიშნული მეორე ჯგუფის მიკუთვნებული ფარმაცეპტული პროდუქტი (სამკურნალო საშუალება) გამოწეროს ელექტრონულად. გამონაკლისის სახით, სოფლის ექიმებს ეძლევათ რეცეპტის მატერიალური ფორმით გამოწერის შესაძლებლობა. მაგალითად, მეორე ჯგუფის მედიკამენტებს მიეკუთვნება ანტიბიოტიკები, ანტიდეპრესანტები, ჰორმონალური საშუალებები, გულსისხლძარღვთა სისტემის, ანტიჰიპერტენზიული საშუალებები და სხვა.

არსებობს სახელმწიფო პროგრამული, გარკვეული სახის მედიკამენტები,ლიმიტირებულია, რომლითაც

სარეგებლოდენ საპენსიო ასაკის, შშმ პირები, სოციალურად დაუცველები და 0-6 წლამდე ასაკის პირები (ქრონიკული: გულსისხლძარღვთა, სასუნთქი გზების დაავადებების, ენდოკრინოლოგიური და ნევროლოგიური მედიკამენტები) იწერება ელექტრონულად, უფასოდ შეუძლიათ შეიძინონ 1 დან 3 თვემდე მარაგის.

მედიკამენტები ელექტრონულად იწერება საერთაშორისო დასახელებით, (შესაძლებელია ერთიდა იგივე მედიკამენტს სხვადასხვა ქვეყანაში სხვადასხვა დასახელება ჰქონდეს, ასევე არის ფასთა სხვაობა.ფარმაცევტმა შესარჩევად უნდა შესთავაზოს მომხმარებელს)

ელექტრონული რეცეპტის გარეშე გაიცემა: ანალგეზიური და ანტიბიოტული-სიცხის დამწვევი სამკურნალო, ანთების საწინააღმდეგო და ანტირევმატული საშუალებები. და სხვა. საჭიროებისას, ურეცეპტოდ გაიცემა გადაუღებელი დახმარების მედიკამენტები.

რაც შეეხებასარეცეპტო ფორმა №2 - ზე გამოსაწერი მედიკამენტები, იწერება ელექტრონულად, თუ გამოწერის დროს არის ტექნიკური ხარვეზი, მედიკამენტი იწერება ქალაქმთავრებზე მატერიალური სახით, რომ არ მოხდეს პაციენტის დაყოვნება. შემდეგ ტექნიკური ხარვეზის გამოსწორებისას, 24 საათის განმავლობაში ხდება რეცეპტის ელექტრონულად ატვირთვა.

მეორე ჯგუფს განეკუთვნება მედიკამენტები, რომელთა არასათანადო გამოყენებამ შეიძლება ზიანი მიაყენოს ადამიანის ჯანმრთელობას. და არ უნდა იქნას მიღებული ექიმის დანიშნულების გარეშე —გვითხრა მანანა კობლატაძემ.

გარემოს პროვულა სააგენტომ „ბახვი 1 ჰიდროელექტროსადგურის“ პროექტის მშენებლობასა და მესალუბრებისაზე გარემოსდაცვითი გადაწყვეტილება გამოცხადდა



2022 წლის 27 ივნისს, გარემოს დაცვის სააგენტომ მდინარე ბახვისწყალზე, ბუნებრივ ჩამონადენზე მომუშავე დაგეგმილი ბახვი 1 ჰიდროელექტროსადგურის მშენებლობასა და ექსპლუატაციაზე, გარემოსდაცვითი გადაწყვეტილება გამოსცა. ბრძანება, 2022 წლის 28 ივნისს აიტვირთა სააგენტოს ვებ პორტალზე. იხილეთ ბმული: <https://nea.gov.ge/Ge/GZSH/144>

„დღეს მივიღეთ გარემოსდაცვითი გადაწყვეტილება, რომელიც გვანიჭებს უფლებას და შესაძლებლობას, თვისობრივად ახალ ეტაპზე გადავიდეთ. უნდა აღვნიშნო, რომ ჩვენ, რეალურად დიდი შრომა გავწიეთ, აქამდე მოსასვლელად.

სოციალური პროგრამა თავიდან ბოლომდე აგებულია საერთაშორისო ექსპერტებისგან მიღებულ რეკომენდაციებზე, ასევე, პასუხობს ადგილობრივად არსებულ საჭიროებებს, რომელიც მოსახლეობის გამოკითხვების შედეგად მიღებული ინფორმაციის გადამუშავებისას გამოვლინდა.“ — განაცხადა მიხეილ ნიბლაძემ, „სი-სი-ი-ეიჩ ჰაიდროVI“-ის დირექტორმა.

პროექტის გარემოზე ზემოქმედების შეფასების ანგარიშის საჯარო განხილვა 2022 წლის 10 თებერვალს ჩონატაურსა და ოზურგეთში, 11 თებერვალს კი მთისპირსა და ჩხაკაურსაში მუნიციპალიტეტების ადმინისტრაციულ შენობებში გაიმართა. საჯარო განხილვების დროს პროექტს უპრეცედენტოდ დიდი მხარდაჭერა ჰქონდა ადგილობრივი (მთისპირის თემის და ჩხაკაურის) მაცხოვრებლებისგან.

დაფინანსებული ვართი

გურიის რეგიონში სოციალური პროგრამით მოსარგებლე მოქალაქეები მიღიამებულს ფასდაკლებით შეიძინეს

გურიაში სახელმწიფო რწმუნებულის ადმინისტრაციისა და მუნიციპალიტეტების მერიების ჩართულობით, რეგიონში მცხოვრები მუნიციპალური სოციალური პროგრამით მოსარგებლე მოქალაქეები მედიკამენტებს ფასდაკლებით შეიძინენ.

სამივე მუნიციპალიტეტის მერმა ფარმაცეპტულ კომპანიებთან ხელი მოაწერეს შეთანხმებას, რომელიც

მოქალაქეების სოციალურ-ეკონომიკურ მხარდაჭერას ითვალისწინებს და მათ კვირის ნებისმიერ დღეს მედიკამენტების შეძენა ფასდაკლებით შეეძლებათ.

ურთიერთთანამშრომლობის მეორანდში შემდეგ საფეხიკო ქსელებთან გაფორმდა: „ავერსი - ფარმა“, „პსპ ფარმა“, „იმპექსფარმი“ და სს „გეფა“ (ფარმადეპო, ჯი პი სი);

კურორტ ბახმაროში ლედ განათების სისტემის სამონტაჟო სამუშაოები დაიწყო

2022 წლის 1 ივლისს, კურორტ ბახმაროს ცენტრალურ ქუჩაზე 4.5 კილომეტრის სიგრძის მონაკვეთზე ენერგო ეფექტური ლედ განათების სისტემის სამონტაჟო სამუშაოები დაიწყო. სამონტაჟო სამუშაოებს ახორციელებს შპს გურია ბიზნეს ჯგუფი 01. სამუშაოები ივლისის თვეში იწყება და 2022 წლის სექტემბრის ბოლომდე გასტანს.

პროექტი, აშშ-ს საერთაშორისო განვითარების სააგენტოს (USAID) ენერგეტიკული მომავლის უზრუნველყოფის პროგრამასა და კავკასიის განახლებადი ენერჯის ჰოლდინგის შორის 2021 წლის 25 ოქტომბერს გაფორმებული ურთიერთთანამშრომლობის დოკუმენტის ფარგლებში ხორციელდება და „ბახვი 1 ჰიდროელექტროსადგურის“ სოციალური პროგრამის განხორციელების ნაწილს



წარმოადგენს. USAID-ის ენერგეტიკული მომავლის უზრუნველყოფის პროგრამისა და კავკასიის განახლებადი ენერჯის ჰოლდინგის პარტნიორობა გულსისხლძარღვთა და სუნთქვის სისტემების დაზარალების შედეგად შედეგების უზრუნველყოფას.

კურორტ გომისმთაზე ასვლა ფელსაც მხოლოდ შაბათ-კვირას იქნება შესაძლებელი



კურორტ გომისმთაზე ასვლა, როგორც შარშან, ამ ზაფხულსაც მხოლოდ შაბათ-კვირას იქნება შესაძლებელი. საქართველოს საავტომობილო გზების დეპარტამენტის ცნობით, განსაზღვრულია ავტოტრანსპორტით გადაადგილების საათებიც. ამის მიზეზი კურორტთან მისასვლელ გზაზე მიმდინარე სარემონტო სამუშაოებია.

16 ივლისიდან ოზურგეთი-შემოქმედი-ბუჟუჟესი-გომის მთის გზაზე ავტოტრანსპორტის მოძრაობა დასაშვებია იქნება შაბათს, დღის 15:00 საათიდან ორშაბათის 09:00 საათამდე. კვირის სხვა დღეებში ყველა სახის ავტოტრანსპორტის მოძრაობა აკრძალულია. გადაადგილება შეზღუდული იქნება 2022 წლის 31

ოქტომბრის ჩათვლით. საავტომობილო გზების დეპარტამენტის ცნობით, ოზურგეთი-შემოქმედი-ბუჟუჟესი-გომისმთის გზაზე დაახლოებით ერთი წელია ახალი საავტომობილო გზა კეთდება, ამისთვის 20 მილიონამდე ლარი იხარჯება. სამუშაოებს კომპანია „ნიუ როუდი“ ახორციელებს.

ამ დროისთვის ამავე გზის 12-ე და 32-ე კმ მონაკვეთზე, საავტომობილო გზების დეპარტამენტი სტიქიის შედეგად წარმოქმნილი მუყარულ-ეროზიული პროცესების შემაკაველ ღონისძიებებს ახორციელებს.

გომისმთაზე მოხვედრა შესაძლებელია შუახვედიანაც, თუმცა ამ გზის რეაბილიტაცია ამ ეტაპზე არ არის დაგეგმილი.

პოეტ მარიამ ბაქანიძის შემოქმედებითი საღამო ლანჩუთში



ლანჩუთში პოეტ მარიამ ბაქანიძის შემოქმედებითი საღამო გაიმართა. საღამოზე მისი არაერთი

ლექსი გაჟღერდა. პოეტმა რამდენიმე ლექსი თავადაც გააცნო მსმენელს.

„კურიაზე უსაზღვროდ

შეყვარებული ქალბატონის შემოქმედება ძალიან დიდ სი-თბოსა და სიყვარულს გვიტოვებს. მინდა წარმატებები ვუსურვო ქალბატონ მარიამს, ის ნამდვილად იმსახურებს ყოველგვარ საუკეთესოს“ - აღნიშნა ღონისძიების ორგანიზატორმა სათუნა ვაშალიძემ.

შემოქმედებით საღამოს ლანჩუთის მერიის პირველი მოადგილე ეკატერინე გუჯაბიძე და ადგილობრივი ხელისუფლების სხვა წარმომადგენლები ესწრებოდნენ.

ღონისძიება ლანჩუთის მუნიციპალიტეტის მერიის მხარდაჭერით ჩატარდა.

ლევან დავითაშვილი - პროგრამის „აწარმოე საქართველოში“ საშუალებით ჩვენ ვქმნით მცირე და საშუალო ბიზნესის მდგრად კატეგორიას



„პროგრამის „აწარმოე საქართველოში“ მიერ თანადაფინანსებულ ერთ ლარზე ინვესტირებულ თანხაზე სახელმწიფოს საგადასახადო შემოსავლების სახით 1.6 ლარი პირველივე წელს უბრუნდება. ეს მაჩვენებელი აჩვენებს, რომ სახელმწიფომ უნდა გააგრძელოს ასეთი ტიპის ინტერვენცია მცირე და საშუალო ბიზნესის ხელშესაწყობად“ - ამის შესახებ ვიცე-პრემიერმა, ეკონომიკისა და მდგრადი განვითარების მინისტრმა ლევან დავითაშვილმა სააგენტოს „აწარმოე საქართველოში“ პროგრამების ეკონომიკური ზეგავლენის ანგარიშის პრეზენტაციისას განაცხადა.

პრეზენტაციაზე წარმოდგენილი იყო სააგენტოს „აწარმოე საქართველოში“ პროგრამების გავლენის შეფასების შედეგები, რომლებიც ეყრდნობა ბოლო 5 წლის მონაცემებს - ბენეფიციარების ფინანსურ და ეკონომიკურ ანალიზს. შეფასებისთვის შეირჩა ინდუსტრიული ნაწილის 292 ბენეფიციარი. სააგენტომ GIZ-ის და საერთაშორისო ექსპერტების ჩართულობით შეიმუშავა ეკონომიკური გავლენის შეფასების ჩარჩო და წარმოადგინა ის შედეგები და ეფექტი, რაც სააგენტოს პროგრამებს ჰქონდა გასული პერიოდის

განმავლობაში. „ძალიან მნიშვნელოვანია, რომ ეს არ არის გაკეთებული მხოლოდ ჩვენი შიდა შეფასებებით - ეს არის GIZ-ის ექსპერტების ჩართულობით გაკეთებული ეკონომიკური ზეგავლენის შეფასება იმ პროექტების, რომლებსაც „აწარმოე საქართველოში“ აკეთებს. სულ არის ხოლმე საუბარი, თუ რამდენად ეფექტანია, რა წვლილი შეაქვს ეკონომიკაში და რამდენად შეიძლება ამ პროგრამების გარეშე მიგვეღო იგივე შედეგი - ეკონომიკური ზრდა, მცირე და საშუალო ბიზნესის წარმატება. ამ კვლევამ კონკრეტულად გამოაჩინა, თუ რამდენად განსხვავდება პროგრამაში მონაწილე კომპანიების შედეგები ზოგად საშუალო სექტორის შედეგებისგან, რამდენად უფრო მდგრადია, რამდენად უფრო სწრაფად იზრდება მათი შემოსავლები და ასევე რამდენად მნიშვნელოვანია საბიუჯეტო თვალსაზრისითაც“, - აღნიშნა ეკონომიკის მინისტრმა.

რაც შეეხება ინდუსტრიული ნაწილის სესხის/ლიზინგის პროცენტის სუბსიდირების ნაწილის ეფექტს, ანალიზის თანახმად, 1 ლარის თანადაფინანსების შედეგად შემოსავლების ნამატმა შეადგინა 15.3 ლარი, კონტრიბუცია

მოტიან შიდა პროექტში - 4.5 ლარი, ხოლო ერთი წლის განმავლობაში გადასახადებმა ბიუჯეტში 1.6 ლარი. დღეისთვის სააგენტოს მიერ მხარდაჭერილი პროექტების ჯამურმა ინვესტიციამ 3 მილიარდ ლარს გადააჭარბა, შეიქმნა 58 ათასამდე ახალი სამუშაო ადგილი. როგორც ლევან დავითაშვილმა აღნიშნა, პრეზენტაციაზე წარმოდგენილი მაჩვენებლები განსაკუთრებით მნიშვნელოვანია ქვეყანაში დღესდღეობით არსებული ორნიშნა ეკონომიკური ზრდის ფონზე, რათა სახელმწიფო მხარდაჭერის მექანიზმები ეფექტიანად იყოს გამოყენებული არსებული პოზიტიური ეკონომიკური ტენდენციების შესანარჩუნებლად.

„ძალიან მნიშვნელოვანია, რომ ჩვენ ვქმნით მცირე და საშუალო ბიზნესის მდგრად კატეგორიას, რომელიც ყველაზე მოწყვლადია იმისთვის, რომ მათ ეკონომიკურ შოკებს გაუძლონ და წარმატებულებები იყვნენ. რაც შეეხება დასაქმებას - 58 000 ადამიანზე მეტია დასაქმებული „აწარმოე საქართველოში“ მხოლოდ იმ პროგრამების ფარგლებში, რომლებიც გაანალიზებულია“, - აღნიშნა ეკონომიკის მინისტრმა.

მოცვის ფასი განახევრდა - რა ღირს ქართული სამქსპორტო მოცვი



მოცვის ფასი თვის დასაწყისთან შედარებით განახევრდა. 24 ივნისის მდგომარეობით, საქართველოში 1 კგ. მოცვის ღირებულება წინა კვირასთან შედარებით, საგრძნობლად, 4-5 დოლარამდე დაეცა, მაშინ, როცა, EastFruit-ის ცნობით, ივნისის დასაწყისში ადგილზე ფერმერებს თითო კილოგრამ მოცვი 7-დან 8 დოლარამდე უხდინდნენ.

როგორც ადგილობრივი ექსპორტიორები აცხადებენ, ამის მიზეზი ქართული მოცვის მთავარ ბაზარზე, რუსეთში ფასების ვარდნაა, რაც საქართველოდან და სხვა ექსპორტიორი ქვეყნიდან მიწოდების გაზრდამ გამოიწვია. ამასთან, მიმდინარე კვირაში მოცვის გათავისებას მასობრივი კრეფვის დაწყების გამოც მოელოდნენ.

იმის მიუხედავად, რომ დასავლეთ საქართველოში წვიმიანი ამინდები მოსავლის დროულ აღებას ხელს უშლის, EastFruit წერს, რომ საქართველოში მოცვის მოსავლის სეზონი აქტიურ ფაზაშია.

ქართველი ფერმერები ეჭვობენ, რომ მყიდველები ფასის ხელოვნურად დაწევას ცდილობენ, რადგან მისი ვარდნა მეტად მოკლე დროში მოხდა. 1 კგ. მოცვის ფასი 8-დან 4 დოლ-

არამდე მხოლოდ ერთ დღეში დაეცა, რაც ფერმერებს აფიქრებინებს, რომ ეს სპეკულაციაა. რაკი მოცვი მეტად მალეფუჭებადი კენკრაა, ბევრი მცირე ფერმერი, ვისაც მაცივარი არ აქვს, მოსავალს იაფად ყიდის. თუმცა, პორტალის ცნობით, არიან ისეთებიც, ვისთვისაც ფასი მოცემულ დღეს მიუღებელია, გაყიდვას არ თანხმდება და თავის მოსავალს მაცივარში ინახავს, რომ სხვა დროს უფრო მაღალ ფასად გაყიდოს.


კომპანია AgriTouch-ში EastFruit-ს განუცხადეს, რომ ფასების კლება მიწოდების ზრდამ გამოიწვია. კომპანია მოცვის ექსპორტს, ძირითადად, სპარსეთის ყურის ქვეყნებში ეწევა, თუმცა ფასების მიმდინარე კლებას რუსულ ბაზარზე საქართველოდან, ბელარუსიდან და სერბეთიდან მოცვის ჭარბ მიწოდებას უკავშირებს.

პორტალის მონაცემებით, 2021 წლის ივნისსა და ივლისში რუსეთმა ყველაზე მეტი, 850 ტონა მოცვი საქართველოდან, 551 ტონა სერბეთიდან, ხოლო 426 ტონა მოცვი ბელარუსიდან შეიტანა.

წელს უამინდობის გამო მოცვის სეზონი საქართველოში დაგვიანებით დაიწყო.

ქართული სოციალ-დემოკრატიის რევოლუციის დამარცხების უმედეგ (1906-1907 წწ.)

ილია ჭავჭავაძის მოღვაწეობა საქართველოს პროვინულ-დემოკრატიული პარტიის შესახებ



ყრილობის პირველსავე სხდომაზე აირჩიეს სამანდატო კომისია 15 კაცის შემადგენლობით, რომელთა შორის იყვნენ გრიგოლ ლორთქიფანიძე (სპირიდონოვი) და ნოე რამიშვილი (ბორცოვი).

რსდმ V ყრილობამ უკვე დღის წესრიგის დამტკიცებისას დაუშვა სერიოზული შეცდომა, როცა დებატების გარეშე დღის წესრიგიდან ამოიღეს ეროვნული საკითხი. ასეთი მოქმედება მიუტყვევებელი იყო, მით უფრო, რომ ამ პერიოდისათვის რუსეთის იმპერიაში ძალზე გამწვავდა ერთა შორის ურთიერთობანი. ამ თემის ყურადღების გარეშე დატოვება ხაზს უსვამდა რუსული სოციალ-დემოკრატიის ორივე მიმდინარეობის - ბოლშევიზმისა და მენშევიზმის - კოსმოპოლიტურ ბუნებას.

რსდმ ცენტრალური კომიტეტის პოლიტიკური მოღვაწეობის ანგარიში ყრილობას წარუდგინა იული ცედერბაუმი (ლევ მარტოვა). თანამოსწეგებებით გამოვიდნენ ა. ბოგდანოვი (მაქსიმოვი) და რაფაილ რეიზნი (აბრამოვი). სამივე გამოსვლა, ფრაქციულობის მიუხედავად, გაწეული მუშაობის დრმა და სერიოზულ ანალიზს იძლეოდა. ცენტრალური კომიტეტის ანგარიშის გამო გამართულ კამათში ქართველი დელეგატებიდან პირველი ნოე ყორდანიამ გამოვიდა. მისი სიტყვა არ გამოირჩეოდა რამე სიახლით. ნოე ყორდანიამ ძირითადად შეეხო მენშევიკებისა და ბოლშევიკების ურთიერთობას საანგარიშო პერიოდში. იგივე ითქმის ნოე რამიშვილზეც, იმ განსხვავებით, რომ მან, მართლაც, მოკლედ, მაგრამ დასაბუთებულად ამხილა ვლადიმერ ლენინის (ბოლშევიზმის) ტაქტიკური ხაზი ძალაუფლების ხელში ჩაგდებასათვის ბრძოლაში.

დღის წესრიგის მეორე საკითხზე - სახელმწიფო სათათბიროს სოციალ-დემოკრატიული ფრაქციის ანგარიში - მოხსენებით გამოვიდა ირაკლი წერეთელი. მეორე სახელმწიფო სათათბიროს სოციალ-დემოკრატიულ ფრაქციას სულ ჰყავდა 54 წევრი გადამწევრები ხმით, ხოლო II- სათათბირო ხმით. 54 გადამწევრები ხმიდან 33 ეკუთვნოდა მენშევიკებს, 15 - ბოლშევიკებს, 3 ხმა ემხრობოდა მენშევიკებს, 3 ხმა - ბოლშევიკებს. თავისი

მოხსენების დასაწყისშივე ირაკლი წერეთელმა აღნიშნა: „სათათბიროს სოციალ-დემოკრატიული ფრაქციის ტაქტიკა განისაზღვრება იმ ამოცანებით, რომლითაც განისაზღვრება მთელი რუსეთის სოციალ-დემოკრატიული პარტიის ამოცანები იმ ისტორიულ პერიოდში, რომელშიც ამჟამად ვიმყოფებით. ამ ტაქტიკას საფუძვლად უდევს ისტორიული გამოცდილება. ეს ისტორიული გამოცდილება შექმნილია პროლეტარიატის კლასობრივი ინტერესებისათვის ბრძოლის არენაზე ჩვენზე ადრე გამოხული ჩვენნი დასავლეთ ევროპელი ძმების სისხლით“. რუსეთის პროლეტარიატის ამოცანები ირაკლი წერეთელმა ასე განსაზღვრა: „რუსეთის პროლეტარიატის ამოცანები ამჟამად წარმოადგენს იმ ამოცანების სინთეზს, რომლებიც ხორციელდებოდა დასავლეთ ევროპელი პროლეტარიატის მიერ წინა ორ რევოლუციურ ეპოქაში - საფრანგეთის დიდი რევოლუციისა და 48 წლის რევოლუციის (1848 წლის რევოლუციის - ვ. გ.) დროს. ჩვენმა ტაქტიკამ უნდა შეაერთოს ორი საწინააღმდეგო ტაქტიკა, რომელთაც, შეგნებულად თუ შეუგნებლად, ატარებდა ცხოვრებაში პროლეტარიატი ამ ორი რევოლუციის დროს“. შემდეგ ირაკლი წერეთელმა გააანალიზა 1789 წლისა და 1848 წლის რევოლუციების გამოცდილება და აღნიშნა, რომ რუსეთის პროლეტარიატმა უნდა გაითვალისწინოს ორივე რევოლუციის გამოცდილება, ამავე დროს „ნათლად შეიგნოს თავისი საბოლოო ამოცანა, სოციალისტური გადატრიალების ამოცანა“.

ბურჟუაზიული პარტიებისადმი დამოკიდებულების შესახებ ყრილობამ ოთხი მოხსენება მოისმინა. მოხსენებით გამოვიდნენ: ვლადიმერ ლენინი, საულ პიკერი (ალექსანდრ მარტინოვი), როზა ლუქსემბურგი და რაფაილ რეიზნი (აბრამოვი). ქართველ დელეგატებს მოხსენებათა გამო გამართულ საკამოდ მწვავე კამათში მონაწილეობა არ მიუღიათ. ბურჟუაზიულ პარტიებთან დამოკიდებულების შესახებ რევოლუციის პროექტი ყრილობას წარუდგინა ლევ როზენფელდმა (კამენევმა). სულ კი შეტანილი იქნა რევოლუციის სამი პროექტი. ქართველ დელეგატებს არც

რევოლუციების პროექტების განხილვაში მიუღიათ მონაწილეობა, თუმცა კენჭისყრის დროს ბოლშევიკური რევოლუციის წინააღმდეგ მისცეს ხმა. საბოლოოდ, იმის გამო, რომ ხმების დიდი უმრავლესობა ბოლშევიკური რევოლუციის პროექტმა მიიღო, ყრილობამ მხოლოდ მისი განხილვა განაგრძო. ბოლშევიკების მიერ შემოთავაზებულ რევოლუციის პროექტის განხილვაში მონაწილეობდნენ: სოხაძე, არჩილ ჯაფარიძე, ირაკლი წერეთელი, ნოე რამიშვილი, ნოე ყორდანიამ.

დელეგატმა სოხაძემ კადეტებისადმი ბოლშევიკების აშკარად აგრესიული დამოკიდებულების საპასუხოდ ყრილობაზე განაცხადა: „ჩვენ ვადასტურებთ იმ ფაქტს, რომ კადეტები მხარს უჭერენ მონარქიას, მაგრამ არ შეგვიძლია წინასწარ ვთქვათ, რომ მათ საბოლოოდ აქციეს ზურგი რევოლუციას“. კადეტებისადმი ბოლშევიკების არასწორი დამოკიდებულების წინააღმდეგ ირაკლი წერეთელმა ყრილობაზე განაცხადა: „აქ რამდენიმე არსებითი შესწორების შეტანა უიმედოა. ალექსინსკი ამბობდა: ჩვენ არ ვსაყვედურობთ კონსტიტუციურ დემოკრატებს იმის გამო, რომ ისინი არ გადიან ბურჟუაზიული საზოგადოების ფარგლებიდან, მაგრამ მივუთითებთ იმაზე, რომ კონსტიტუციურ-დემოკრატების იდეალები კი არ გადიან ამ საზღვრებს იქით. მაგრამ კადეტების პარტია რომ აშკარა ბურჟუაზიულ პოლიტიკას ატარებს და სოციალისტ-რევოლუციონერთა და ტრუდოვიკთა მსგავსად ფრაზიოლოგიით არ ინიღბება, ეს ხომ მხოლოდ მისი დადებითი მხარეა. და თუ აქ ისევ აღიმართება ხელის მთელი ტყე ჩვენი შესწორების წინააღმდეგ, ეს იქნება უხეირო ხარკი ესეროვშინისადმი“.

ქართველ დელეგატებს მონაწილეობა არ მიუღიათ ისეთი მნიშვნელოვანი საკითხების განხილვაში, როგორებიცაა სახელმწიფო სათათბირო, პარტიზანული გამოსვლები და პროფესიული მოძრაობა.

ყრილობის ოცდამეათეუთმეტე სხდომაზე გამოცხადდა რსდმ ცენტრალური კომიტეტის არჩევნების შედეგები. არჩევნებში მონაწილე დელეგატებს ჰქონდათ 293 ხმა. ცენტრალური კომიტეტის არჩევნების დროს ხმები ასე განაწილდა: ა. ს. პიკერი (მარტოვი) - 150 ხმა, ნ. რ. ყორდანი (კოსტოვი) - 150 ხმა, კ. ხ. დანიშვილი (გერმანი) - 149 ხმა, ა. ი. გუსევი (ნიკიფოროვი) - 148 ხმა, ა. ა. ისაევი (მიხაილი) - 148 ხმა, ნ. რ. როგოვი (ვიარესლაი) - 146 ხმა, ი. ფ. ლუბოვსკი (ინოკენტი) - 145 ხმა, ა. ს. ვარსკი (ადოლფი) - 145 ხმა, ა. ფიოდოროვი (პანოვი) - 144 ხმა, ვ. პ. ნოვინი (ვერშინინი) - 144 ხმა, ი. დ. ლენცმანი (გრიკი) - 144 ხმა, ფ. ე. ბერჟინსკი (დომანსკი) - 144 ხმა, ა. ბუშევიცი (რიბაკი) - 144 ხმა, გ. ე. არაღმისლსკი (ზინოვიევი) - 143 ხმა. არჩეულად ჩაითვალა პირველი 9 კანდიდატი (ა. ს. ვარსკის ჩათვლით). დაისვა საკითხი, თუ როგორ გადაეწყვიტათ იმ 5 კანდიდატის ბედი, რომელთაც მიიღეს თითოეულმა 144 ხმა. საბოლოოდ, ხელახალი კენჭისყრის დროს, რომელშიც მონაწილეობდა 37 დელეგატი, 5 კანდიდატიდან ცენტრალურ კომიტეტში აირჩიეს: ი. ა. ფიოდოროვი, ვ. პ. ნოვინი და ფ. ე. ბერჟინსკი. ვლადიმერ ლენინი ცენტრალურ კომიტეტში არ აურჩევიათ.

რსდმ V (ლონდონის) ყრილობა არ გამოირჩეოდა ქართველი სოციალ-დემოკრატების დიდი აქტივობით. ამ მხრივ გამოწვევის მხოლოდ ირაკლი წერეთელი შეადგენდა, რომელიც ყრილობაზე წარმოდგა, როგორც მენშევიზმის ერთ-ერთი გამოჩენილი თეორეტიკოსი. მის სახელს უკავშირდება კარგად გააზრებული და დასაბუთებული ბრძოლა ბოლშევიზმის სტრატეგიისა და ტაქტიკის წინააღმდეგ.

ავტოკეფალისტური მოძრაობა 1905-1906 წლებში

საქართველოს სამეზარაძოს 1905 წელს

1905 წლის დამდეგისათვის საქართველოს საგზარქოსოს სტრუქტურა და შტატი ასეთი იყო:

I. საქართველოს გზარქოსი - მთავარეპისკოპოსი ალექსი ოპოცკი (1901-1905), რომელიც იმავდროულად იყო ქართლისა და კახეთის მთავარეპისკოპოსი;

II. რუსეთის ეკლესიის უწმინდესი სინოდის საქართველო-იმერეთის კანტორა (იგივე - საქართველო-იმერეთის სინოდალური კანტორა) შემდეგი შემადგენლობით მუშაობდა:

1. **ალექსი ოპოცკი** - საქართველოს გზარქოსი, მთავარეპისკოპოსი, თავმჯდომარე;

2. **ბენიამინი** - გორის ეპისკოპოსი;

3. **ფეფთვი** - ალავერდის ეპისკოპოსი;

4. **ნიკანდრი** - არქიმანდრიტი, თბილისის სასულიერო სემინარიის რექტორი;

5. **გიორგი** - არქიმანდრიტი, იონანათლისმცემლის უდაბნოს წინამძღვარი;

6. **ამფილოქი** - არქიმანდრიტი, საგზარქოსო სახლის ეკონომი;

7. **იოან ვოსტოროვი** - დეკანოზი, საქართველოს საგზარქოსოს საეკლესიო-სამრევლო სკოლების ზედამხედველი;

8. **ლევ რუშინსკი** - ნამდვილი სახელმწიფო მრჩეველი, საქართველო-იმერეთის სინოდალური კანტორის პროკურორი და სინოდალური კანცელარის მმართველი;

9. **სოლომონ ჩიტაძე, სოფრომ მგალობლისმწიფი** - სინოდალური კანტორის მდივნი;

10. **ლეოპოლდ ბილფელდი** - სინოდალური კანტორის არქიტექტორი;

11. **ალექსანდრე არდაზიანი** - სინოდალური კანტორის ბუღალტერი, ხაზინდარი, ეგზეკუტორი;

11. **თომა ალექსი-მესხიშვილი** - სინოდალური კანტორის არქივარიუსი, რეგისტრატორი;

12. **ფიოდორ ვენცეკი, არონ იანკოვი, ალექსეი დავილოვი, ნიკოლოზ ბერიშვილი** - სინოდალური კანტორის მაგიდის უფროსები;

13. **ვასილ ტაბატაძე, დიმიტრი მღებრიშვილი** - სინოდალური კანტორის მთარგმნელები;

III. საქართველოს გზარქოსის კანცელარია:

1. **ვლადიმერ ტრეინინი** - მმართველი;

2. **დავით დავილოვი, დიმიტრი სოკოლოვი** - მმართველის თანაშემწეები;

3. **ვასილი პეტროვი** - ხაზინდარი;

4. **მიხაილ ყუკოვი** - ყურნალისტი და არქივარიუსი;

IV. საქართველოს (ქართლ-კახეთის - ვ. გ.) ეპარქია:

1. ქართლისა და კახეთის ეპარქია - ეპარქიის მმართველი რუსეთის ეკლესიის უწმინდესი სინოდის წევრი, საქართველოს გზარქოსი, საქართველო-იმერეთის სინოდალური კანტორის თავმჯდომარე, მთავარეპისკოპოსი **ალექსი (ოპოცკი);**

2. გორის ეპარქია - ეპარქიის მმართველი ეპისკოპოსი და საქართველოს (ალმოსავლეთ საქართველო - ვ. გ.) ეპარქიის პირველი ქორეპისკოპოსი **ბენიამინი;**

3. ალავერდის ეპარქია - ეპარქიის მმართველი ეპისკოპოსი და საქართველოს (ქართლ-კახეთის - ვ. გ.) ეპარქიის მეორე ქორეპისკოპოსი **ფეფთვი;**

4. თბილისის სიონის საკათედრო ტაძრის წინამძღვარი - დეკანოზი **მარკოზ ტყემალაძე;**

V. იმერეთის ეპარქია - ეპარქიის მმართველი ეპისკოპოსი ლეონიდი (ოქროპირიძე);

1. ეპარქიის კანცელარია - მდივანი **ერასტი თუთბერიძე**, მდივნის თანაშემწე - **რაფელ კანდელაკი;**

2. ქუთაისის საკათედრო ტაძრის წინამძღვარი - დეკანოზი **გაბრიელ ცაგარეიშვილი;**

VI. გურია-სამეგრელოს ეპარქია - ეპარქიის მმართველი ეპისკოპოსი დიმიტრი;

1. ეპარქიის კანცელარია - **მდივანი ტიხონ ავტონოშოვი**, მდივნის თანაშემწე - **გიორგი მარგალიტაძე;**

2. ფოთის საკათედრო ტაძრის წინამძღვარი დეკანოზი **ტარასი ივანცია;**

VII. სოხუმის ეპარქია - ეპარქიის მმართველი ეპისკოპოსი არსენი (იზოტოვი);

1. ეპარქიის კანცელარია - მდივანი **ალექსანდრ ტროიცი**, მდივნის თანაშემწე - **ნიკოლაი ბალაბანენკო;**

2. სოხუმის საკათედრო ტაძრის წინამძღვარი - დეკანოზი **დავით მაჭავარიანი;**

VIII. თბილისის სასულიერო სემინარია - რექტორი, ღვთისმეტყველების კანდიდატი არქიმანდრიტი ნიკანდრი (ნიკოლაი ფენოშენოვი);

IX. ქუთაისის სასულიერო სემინარია - გამგებობის თავმჯდომარე და ზედამხედველი ღვთისმეტყველების კანდიდატი ლესნიდ კონსტანტინი;

X. თბილისის სასულიერო სასწავლებელი - ზედამხედველი ღვთისმეტყველების კანდიდატი იოან ბუტირსკი;

XI. გორის სასულიერო სასწავლებელი - გამგებობის თავმჯდომარე და ზედამხედველი ღვთისმეტყველების კანდიდატი გრიგორი სოკალსკი;

XII. თელავის სასულიერო სასწავლებელი - გამგებობის თავმჯდომარე და ზედამხედველი ღვთისმეტყველების კანდიდატი ივან ზელინსკი;

XIII. ოზურგეთის სასულიერო სასწავლებელი - გამგებობის თავმჯდომარე და ზედამხედველი ღვთისმეტყველების კანდიდატი ივან ზელინსკი;

XIV. სამეგრელოს სასულიერო სასწავლებელი - გამგებობის თავმჯდომარე და ზედამხედველი ღვთისმეტყველების კანდიდატი ქსენოფონტ ნარბეკოვი.

(გაზარქოსობა იმეზა)
გაბრიელ ბურული
(საქართველოს ახალი ისტორია (1801-1918) წიგნი 3; გვ: 447-450)

თოჯინური სამეტაკლის პრემიერა ოზურგეთში



კარგად მიიღეს ნორჩმა მაყურებლებმა და სპექტაკლის დასრულების შემდეგ მსახიობებთან სამახსოვრო ფოტოებიც გადაიღეს.

თეატრის პრობლემა მაყურებელთა დარბაზის ტევადობაა. ერთი წლის წინ დაიწყო ახალი დარბაზის კეთილმოწყობის სამუშაოები, რომელიც არჩევნების წინ შეჩერდა.

თეატრის დირექტორის, ლაშა კუტალაძის თქმით მუნიციპალიტეტიდან არის დაპირებული მაყურებელთა დარბაზის სამუშაოების დასრულების შესახებ.

ალიონი. 30 ივნისს, ქ. ოზურგეთში, ოზურგეთის მუნიციპალიტეტის თოჯინების თეატრში ვაჟა ფშაველას „სათაგურის“ მიხედვით დადგმული მუსიკალური სპექტაკლის „ძალა ერთობაშია“ პრემიერა გაიმართა (დამდგმელი რეჟისორები ს. მიქავა, ლ. კუტალაძე).
სპექტაკლში მონაწილეობდნენ: ელენე კვარაცხელია, მარი ქილიფთარი, ნინო გაგუა, გურამ კეკელიძე, გიორგი გაფრინდაშვილი, გიორგი ვაშალომიძე.
მუსიკალური სპექტაკლი



ჩემპიონთა ლიგაზე „ლანჩუთის“ ძალთა გუნდი უკრაინულ „კორსკლას“ დაუპირისპირდება



UEFA-ს ქალთა ჩემპიონთა ლიგის 2022-23 წლების სეზონის პირველ საკვალიფიკაციო ეტაპზე საქართველოს ჩემპიონი „ლანჩუთი“ უკრაინულ ხარკოვის „კორსკლას“ დაუპირისპირდება.

უკრაინული ბარიერის დაძლევის შემთხვევაში, მეორე საკვალიფიკაციო ეტაპზე „ლანჩუთის“ მეტოქე ხორვატულ „სპლიტს“ და ყაზახურ „ბიიკ-შიმკეტს“ შორის გამარჯვებული იქნება.

შეგახსენებთ, გიორგი ჩხაიძის გაწვევით „ლანჩუთმა“ 2020-21 წლების ჩემპიონთა ლიგის პირველ საკვალიფიკაციო ეტაპზე ყაზახური „ოკჟეტპეის“ ხატია ჭყონიას დაუპირისპირდა (1:2), მეორე საკვალიფიკაციო ეტაპზე რუმინულ „კლუჟის“ ხატია ჭყონიას ერთადერთი გოლით სძლია

და საუკეთესო 32 გუნდს შორის მოხვდა, რაც ისტორიული წარმატება იყო. აღნიშნული სეზონის 1/32-ფინალში „ლანჩუთი“ შვედეთის 10-გზის ჩემპიონს, „როზენგარდს“ დაუპირისპირდა და ორი მატჩის ჯამში დამარცხდა.

რაც შეეხება მიმდინარე სეზონს, საქართველოს ჩემპიონატის გასულ ტურში „ლანჩუთმა“ „გორი იუნაიტედი“ 10:1 დაამარცხა და 8 ტურის შემდეგ 20 ქულით (6 მოგება, 2 ფრე, ბ/შ 31/6) მეორე ადგილზე იმყოფება. იგი ერთი ქულით ჩამორჩება „სამეგრელოს“.

მე-9 ტურის მატჩები 6 აგვისტოს გაიმართება. „ლანჩუთი“ ნუცუბიდის საფეხბურთო ცენტრის „კვარტალს“ შეხვდება.

ოზურგეთში პირველი ქორეოგრაფიული ფესტივალი „ავტობრაფი“ გაიმართა

ალიონი. ოზურგეთში სახელმწიფო ანსამბლ „გურას“ დამარსებლის, ვაჟმერ ღუნღუას სახელობის პირველი ქორეოგრაფიული ფესტივალი „ავტობრაფი“ გაიმართა.

ფესტივალში, გურაში მოქმედი ქორეოგრაფიული ანსამბლები მონაწილეობდნენ, რომელთაც ღუნღუას ბოლოს პრიზები და სამახსოვრო საჩუქრები გადაეცათ. ოზურგეთის მერის მოადგილემ **ნათია გოლიაძემ**, გურაში სახელმწიფო რწმუნებულის მოადგილემ **ქეთევან მოისწრაფეშვილმა** და საკრებულოს თავმჯდომარის მოადგილემ **ლაფრენტი ბეგვაჟამ**,



ან-სამბლები ვაჟმერ ღუნღუას ავტობრაფით და დიპლომებით დააჯილდოვეს. ღუნღუას ოზურგეთის ალ-

ქსანდრე წუწუნავას სახელობის სახელმწიფო დრამატულ თეატრში მერიის მხარდაჭერით ჩატარდა.

„მშვენიერების კიბაში“



ალიონი. ქ. ოზურგეთის №4 საბავშვო ბაღში (მენეჯერი მარია ლლონტი, მეთოდისტი ნაილი გრძელიძე) ბიჭები სასწავლო-სააღმზრდელო წელი დასრულდა. პანდემიის გამო, მხოლოდ შესაბამისი რეგულაციების დაცვით ტარდებოდა სხვადასხვა ღონისძიებები, წლის შემავალი აქტივობები.

ვგუფის აღმზრდელები (ლ. ქეთარაძე, მ. შილაკაძე, ნ. სირაძე, ალ. სირაძე, ირ. ქუტიძე, თ. ტორიჭაძე, ნ. ქერქაძე, ნ. რუსთაველი) ტოლს არ უდებდნენ ერთმანეთს სხვადასხვა თემაზე შემავალი აქტივობების გამართვით. ცალკეულად რომელიმეს გამორჩევა შეუძლებელია, რადგან ყველა ჯგუფში, როგორც აღზრდელების მონაწილეობა, ისე აღსაზრდელების მომზადების დონე სავსებით მაღალ დონეზე იყო.

დღითი იხვეწება და იზრდება. წლის დამთავრებას მოჰყვა აღმზრდელობითი ნაშრომების გამოფენა დევიზით: „მშვენიერების ძიებაში, რომელშიც მონაწილეობდნენ: „ვეფხისტყაოსანი“, „მტრები“, „ციხარტყლა“, „ფუტურები“ (2-3, 3-4, 4-5 და სასკოლო მზაობის ვგუფები.) ძალიან საინტერესოა ბავშვების მიერ დაწერილი „გარდნი“ ბუნებრივი მასალისაგან დამზადებული ექსპონატი წარმოადგენს ბავშვთა აღზრდელთა მათ გამოფენაში აქტიური მონაწილეობისათვის შესაბამისი სივლეები გადაცათ.

ცალკე თემა ბავშვის „ცხოველთა სამყარო“, სადაც ჰყავთ კურდღლები, ზღვის გოჭი, ზაზუნა და ა.შ. როგორც ბავშვებს, ისე აქ მისულ სტუმრებს განსაკუთრებული ესთეტიური გარე-

მო ხვდებოდა. საინტერესო და მხარსიანი გამოშვება ჰქონდათ სასკოლო მზაობის ვგუფს „ფუტურებს“.

ისინი სცენაზე მართლაც ფუნქციონირებდნენ ტრიალებდნენ და ბავშვთა მიღებულ ცოდნას და უნარს, მუსიკალურ ნიჭს აჩვენებდნენ დარბაზში მყოფ მასწავლებლებს, მშობლებს, მოწვეულ სტუმრებს. ამისთვის კი დიდი შრომა ჰქონდათ ჩადებული მათ აღმზრდელებს ლია ქეთარაძეს, მზია შილაკაძეს და მუსიკის მასწავლებელს ნანა ქილიფთარს.

კარგი შეფასება მისცა ამ დღის ღონისძიებას ოზურგეთის მუნიციპალიტეტის ბავშვთა განვითარების დირექტორმა მარია ჭყონიამ.

გვინდა იცოდეთ ოზურგეთელი „ფუტურების“ სახელი და გვარები, რომლებიც მომავალში საქართველოს ასახელებენ: ნინო გაჩეჩილაძე, ვაჟა პირაშვილი, ლილე კილაძე, გაბრიელ კეკელიძე, გაბრიელ პაპუნაშვილი, ბარბარე გირკელიძე, მიქაელ როსტომი, ლუკა ჩაქვანიძე, ბარბარე აკობიძე, ნიკოლოზ ტუმანიანი, ალექსანდრე მათითაშვილი, გიორგი დობოჯიანი, თორნიკე მუხატაძე, თეგა მდინარაძე, ანდრია ნაცვალაძე, საბა გუგუაძე, დემეტრე კაპანაძე, მარიამ დობოჯიანი, იანე მელიქაძე, ნინო ნინიძე, გეგა ლლონტი, გაბრიელ ზაქარაძე.



7 დღის ამინდის პროგნოზი

მზი, ღრუბელი +14 +24 4 ივლისი ორშაბათი	მზი, ღრუბელი +15 +24 5 ივლისი სამშაბათი	მზი, ღრუბელი +15 +27 6 ივლისი ოთხშაბათი	მზი, ღრუბელი +16 +24 7 ივლისი ხუთშაბათი	მზი, ღრუბელი +16 +25 8 ივლისი პარაკევი	წვიმა +17 +24 9 ივლისი შაბათი	წვიმა +17 +24 10 ივლისი კვირა
--	---	---	---	--	---	---